



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XXXIX. Kurfürst Joachim verleiht der Hausfrau Jakob's von Kröcher zu Dreetz, Margarethe von Treskow, ein Leibgedinge, am 25. Januar 1548.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

XXXIX. Kurfürst Joachim verleiht der Hausfrau Jakob's von Krocher zu Dretz, Margarethe von Trefskom, ein Leibgedinge, am 25. Januar 1548.

Wir Joachim, Churfurft etc., bekennen etc., das wir, vff vnderthenig vnd fleißig erfuchen vnd bitte vnfers getreuen Jacob von Krochers zu Dretz, Margarethen Trefskowe, seiner ehelichen hausfrauen, nachgeschriben gueter, ierliche pechte, zins vnd renthe zu rechten leipgeding gnediglich geliehen haben: als nemblichen genants Jacob von Krochers wonhoff im dorff Dretze mit II hufen landes, wischen, vischereien vnd sonsten mit aller vnd iglicher zugehorung vnd gerechtikeith, wie dann genand von Krochern denselben besitzt vnd gebraucht; item ein wher im Rhein, die wulste dorffstede zu Lutken Dretz mit eckern vnd wischen; item die schefferey zu Dretz, vnd im lande zu Ruppın in allen dorffern die holtwhare vnd das grafsgelt; item seinen vierten teil am dorff Dretz vnd Calixtus Mogelins hoeff mit einer hufen, gibt ierlichs XII schilling, den dienst vnd II huner; item Caspar Harken hoff mit einer hufen, gibt ierlichs XII schil., den dienst vnd II huener; item der krueger gibt von einer hufen ierlichs XII schil., den dienst vnd II huner; item noch ein hufenershoff kompt im von seinem bruder seligen zu in der leihnus vnd gibt von einer hufe ierlichs XII schil., den dienst vnd II huener; item Achim Galle, der colfatt, gibt ierlichs III schil., I hun vnd den dienst; Frantz Dufecke, der colfatt, gibt ierlichs III schil., I hun vnd den dienst; Jacob Berndt, der colfatt, gibt ierlichs XVIII pfen., I hun vnd den dienst, vnd Merten Sempff, der colfatt, gibt ierlichs XVIII pfen., I hun vnd den dienst, vnd kompt in der teilung nach absterben seins brueders noch ein colfatt zu, der gibt ierlichs III schil., I hun vnd den dienst; item in der mollen zu Dretz ierlichs XVIII scheffel mels vnd den achte teil an der vischereien mit aller gerechtigeitt; item im dorff Campiell vff Achim Grumptow hoff vnd II hufen, den pacht, als II schef. weitzen, XVII schef. roggen, IX schef. gersten, I wisp. haefern, I pfundt geldes, den dienst, zehett vnd rochun; vff Thomas Reinicken hoff vnd II hufen ierlichs II schef. weitzen, XVII schef. roggen, IX schef. gersten, I wisp. haefern vnd was gemelten von Krochern noch zu Campiel ankommen mag, auch alles, was im im lande Ruppın zustehett mit holtzung vnd mastung. Vnd leihen gemelten Margarethen alle obgeschriben stucken, wonhoff, ierliche pechte, zins vnd renthe, wie obtheit, zu rechten leipgeding in kraft vnd macht ditz briues Vnd also, wo sie ıres ehelichen manns todt erleben wurde, das sie alsdann solchen wonhoeff, ierliche pechte, zins vnd renthe die zeit ıres lebens vor gedachts ıres ehelichen mans erben vnd sonsten idermenniglich vngehindertt, wie leipgedings recht vnd gewonheit ist, besetzen, geniessen vnd gebrauchen soll. Vnd ob sichs zutrige, das nach absterben Jacob von Krochern die frau, obgemelt, sich widerumb vorehelichen wurde, so sollen bemels von Krochern lehenserben ı der frauen gegen ıren einbringnis DC gulden an muntz vff geburliche tagetzeit widerumb herausgeben, vnd wan solche betzalung der DC gulden geschehen, soll alsdann die obgemelte frau solch ır leipgeding widerumb abetzutretten schuldig sein. Vnd geben ır des zu einweiser Joachim Wutenow zu Segeletz. Zu vrkunth etc. am tage conuersionis Pauli im MDXLVIII. jar.

Nach dem Churm. Lehnscopialbuche Nr. 46.